

Gaa-zanagak aakoziwin Niizhosagoons-ashi-zhaangaswi (gaa-zanagak aakoziwin-ashi-zhaangaswi)

**Aaniin ge-izhi ganawenimindwa bami'aagaansag idash gaye bakaan awakaanag
Giispin ayaayin aakoziwin-ashi-zhaangaswi giin gemaa gi-bami'aagaansag besho
gowe gaagii-ayaawad aakoziwin-ashi-zhaangaswi.**

Ge ayaawan bangii dibaajimowinan onji gowe awakaanag gii-ayaawad iwe aakoziwin-ashi-zhaangaswi. Gaangegoo megwaa gekendaagosinon gowe bami'aagaansag gaye bakaan awakaanag wenji iwe inaapinewad. Iwe aakoziwin-ashi-zhaangaswi, giishpin aakoziwin, gidigo chi-biskenimaasiwadwaa gowe bami'aagaansag idash gaye bakaan awakaanag. Daapishkoo gowe awiyag gaye, baamaa awashime gekendaagwak.

Ganawenim gi-bami'aagaansag endaayin

- Giishpin aakoziwin gagwechim awiya, gaa-aakozisig imaa endaayin chi-ganawenimad g-ibami'aagaansag bami'aagaansag.
- Giishpin akina awiya aakoziwad gemaa bezhigowin, nooch onishin chi-ganawenimadwaa endaayin.




Naangadewedan owe giishpin gowe bami'aagaansag aanji-aasindwaa bakaan endaadat awiya

- Gowe gaa-aakoziishkid onji iwe gaa-zanagak aakoziwin-ashi-zhaangaswi (gowe daso-biboonewad awashime niizhwaasimidana gemaa ge gaa-aakozishki'awaad) gaan gowe odaa ganawenimaawad gaa-ayaawad iwe aakoziwin-ashi-zhaangaswi.
- Ganawenim gowe bami'aagaansag imaa bezhigooning chi-ayaawad endaayin chi-biskenimaasindwaa gaye awakaanag idash awiyag.



Gego biskenimaaken gowe bami'aagaansag

- Gego biskenimaaken gowe bami'aagaansag, gego ashoojisinaaken, gego ojiimaken, gegoo bagidinaaken chi-nooskwaada'igoo'an, gego wiidopamaaken, gego wiipemaaken iwe gaye gaan chi-namadawad imaa ninjijiingwaning.



Ganawenimin gi-bami'aagaansag idash gaye bakaan awesiig

- Biindig ganawenim gi-bami'aagaansag apane go.
- Giishpin agwajiing ayaawad animoshag, jitago owe iga aabijitooon zagaabiiginigan chi-dakobinidwaa idash gaye niizhomizid diba'igan chi-ayaawad gowe awiyad idash awensiiyag.



Ayaangwaamizin gii-ganawenimadwaa gi-bami'aagaansag

- Gi-ziiibiiginjiin aabijitoon giizibiiga'igan idash nibi, gemaa gaye aabijitoon ishkodewaaboo-bekichigan gaa-onitoot manijooshensag-gaa-aakoziishkaa-gewaad azhemaag jibwaa idash gaye ishkwaaw zaaminat bami'aagaansag gaa-miijiwad idash gaye gaa-aabijitoowad.
- Gego ozisidamiken idash gaye jaachamoken besho gowe bami'aagaansag. Apane ozisidam gemaa jaachamoken imaa gi-dookwan gemaa giiziingwe'on idash giiziingiin.
- Gego zaaminagen gidengwaan.



Naanaagaji gi-bami'aagaansag gegoo chi-aakoziwad onji iwe aakoziwin-ashi-zhaangaswi

- Giishpin gi-bami'aagaansag gegoo waabandaman chi-aakoziwad ganoozh awakaani-mashkikiwinini chi-wiindamaagowin giishpin chi-waabamind iweti awakaani-aakoziwigamig gemaa chi-ganawenimind endaayin.



Ge-izhichigeng jibwaa-izhised gowe gichi-gitiganii-awaakaanag idash gaye baaka'aakwanag

- Gowe gaa-dibenimaawad gowe gichi-gitiganii-awaakaanag daa:
 - Biminizha'an ge'izhichige'in chi-mino'ayaawad gowe awakaanag
 - Gego apichi-biskenimaaken awakaanag iwe eti gii-ganawenimadwaa.
- Giishpin owe ayaayin gego bishkenimaaken awakaanag:
 - Giishpin ayaawad iwe aakoziwin-ashi-zhaangaswi gemaa gaye inamanji'owin gaa-onji-meshkwadanaamong.
 - Gaa-wiinjigaadeg aaniin anaapined iwe aakoziwin-ashi-zhaangaswi gemaa gaye inamanji'owin gaa-onji-meshkwadanaamong
 - Gegii babaami-ayaayin gochi-omaa gaanada opii ashi-niiwin daso-giizhigad
- Giishpin gitago giin chi-ganawenimadwaa awakaanag:
 - Biminizha'an ge-izhichigeng jibwaa-izhised idash gaye dibendan gaa-izhibii'igaateg ishpiming idash gaye
 - Gichi-bekidoon akina gegoo gaagii aabijitoowan idash gaye zaaminam gaye onji gowe awakaanag

Gagwe gakendan akina gegoo mii'iwe oshki-aakoziwin-manijoozhens

Aakoziwin-ashi-zhaangaswi mii'iwe oshki-aakoziwin-manijoozhens, aazhoo'iwe gaa-aakozid gii-ozosodang ozikowin gaa-wiiji-daamad gemaa gaye gaa-ganawenimigod. Gi-daa inaab omaa gikendamaawin onji aakoziwin-ashi-zhaangaswi omaa onderiyoo wegimaawaadiziji onji mino'ayaawin giiwiitaakamisab : ontario.ca/coronavirus.

Geyaabi noonde gakendamin omaa izhaan: _____

Owe gikendamaawin megwaa go opii miinike-giizis nisimidana, niizhosagoons-niishtana

Ogimaakwe gaa-ozhibii'igeyaamagak onji onderiyoo, niizhosagoons-niishtana

